

## Yuhannáay Domi Kágad

### *Drud*

<sup>1</sup> Cha kelisáay kamáshay némagá,

pa gechén kortagén bánok o áiay chokkán\* ke pa del maná sakk dóst ant. Tahná maná na, hamá sajjahénán ham dóst ant ke rástíá zánant.

<sup>2</sup> Paméshká mára dóst ant ke may delá rástíá jágah kortag o tán abad gón má hamráh ent.

<sup>3</sup> Hodái mehr o rahmat o sohl o ásudagi, cha Petén Hodá o áiay Chokk Issá Masihay némagá, pa rásti o mehr gón má góna bit.

### *Rásti o mehr*

<sup>4</sup> Gal o shádán bután wahdé zánton tai lahtén chokk rástiay sará zenda gwázénit, hamá dhawlá ke Petá mára hokm kortag.

<sup>5</sup> Nun, oo bánok! Man nókén hokmé nebisagá naán, é hamá hokm ent ke cha bongéjá mára gón butag, bale cha taw dazbandia kanán, máshomá gón yakdomiá mehr bekanén.

<sup>6</sup> Mehr hamesh ent ke áiay hokm o parmánáni sará zend begwázénén. Áiay hokm hamesh ent ke shomá cha bongéjá eshкотag. Hamé mehray hokmay sará zend begwázénét.

<sup>7</sup> Chiá ke bázén rad dayóké donyáyá potertag o tálán ent o é habará namannant ke Issá Masih

---

\* **1:1 1:1** Bázén zántkáréay báwar esh ent ke “bánok” dega kelisáay gwashag butag o “bánokay chokk”, á kelisáay báwarmand ant.

ensáni jesm o jánéá ér átkag. É paymén mardom rad dayók o Masihay dozhmen ant.

<sup>8</sup> Hósh o sár bét ke may† káray bar o samará barbád o zawál makanét, sarréchéen mozzé pa wat bekatthét.

<sup>9</sup> Harkas ke Masihay tálimay sará mohr maóshtit o watsará démáter berawt, Hodá áiyag naent, bale harkas ke Masihay tálimay sará mohr bóshtit, ham Pet áiyag ent, ham Chokk.

<sup>10</sup> Agan kasé shomay gwará byayt o é tálimá mayárit, áia wati lógá maylét o wasshátki magwashét.

<sup>11</sup> Parchá ke é dhawlén mardoméay wasshátk kanag, gón áiyag radén kárán sharikdár bayag ent.

### *Godghi habar*

<sup>12</sup> Bázén chizzé hast ke pa taw benebisán, bale nalóthán gón kalam o kágadá bebant. Ométwár án ke shomay kerrá byáyán o dém pa dém gapp o trán bekanén tán mayshomay shádmáni sarréch bebit.

<sup>13</sup> Tai gechénién goháray chokk‡ tará baddhé drud o drahbáta gwashant.

---

† **1:8 1:8** Lahtén kwahnén syáhaga gwashit: “wati”. ‡ **1:13 1:13** “Tai gechénién goháray chokk”, bezán Yuhannáay kelisáay báwarmand.

**Balóchi Balochi**  
**Latin version of the Balochi Bible**

copyright © 2015 Wycliffe Bible Translators, Inc.

Language: Balochi, Southern

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 18 Apr 2025 from source  
files dated 29 Jan 2022

bd42840d-f6ae-537b-95db-adaaa3efeb6c